

**Fe'l so'z turkumida mayl kategoriyasining o'ziga xos xususiyatlari**

**Yigitaliyeva Shohsanam Isog'ali qizi**

Qo'qon DPI o'qituvchisi

**Hamraliyeva Shahzoda Kamoliddin qizi**

Qo'qon DPI talabasi

**Annotatsiya.** Harakatning voqelikka munosabatini ifodalaydigan grammatik shakllar fe'l mayllari deyiladi. Mayl kategoriyalari fe'l zamonlari, shaxs-son kategoriyalari bilan uzviy bog'liqdir. Shuning uchun fe'l mayllari harakatning bajarilishini real borliq bilan bog'langanligini bildirib, aniqlik, buyruq-istak, shartkabi ma'nolarni ifodalaydi.

**Kalit so'zlar:** Fe'l, grammatika, zamon, mayl, nisbat, voqelik, shaxs, shart mayli, gap, gap bo'laklari.

Mayl kategoriyasi — harakatning voqelikka munosabatini so'zlovchi nuqtai nazaridan belgilovchi grammatik kategoriya. O'zbek tilida maylning quyidagi turlari bor: 1) buyruq-istak mayli: ayt, aytgin, ayting kabi; 2) shart mayli. Bu mayl shakli sa affiksi yerdamida yasaladi: borsam, borsang, kursa kabi; 3) shartli mayl — bajarilishi shart ergash gapdan anglashilgan harakatning bajarilishiga bog'liq bo'lgan (shartlangan) harakatni bildiruvchi mayl. Bu mayl shakli (a)r edi, maye edi yerdamida yasaladi va bu shakldagi Fe'l bosh gapning kesimi bo'lib keladi.

Zamon kategoriyasi — harakatning nutq paytiga munosabatini bildiruvchi grammatik kategoriya. Harakatning nutq paytiga munosabatiga ko'ra Fe'lning 3 zamon turi farqlanadi: o'tgan zamon — keldi, oldim; hozirgi zamon — kelyapman, kelyapti; kelasi zamon — kelaman. Shaxs son kategoriyasi — harakatning 3 shaxs (so'zlovchi, tinglovchi, o'zga)dan biriga oidligi ma'nosini bildiruvchi grammatik turkum: keldi m (birinchi shaxs, birlik), keldik (birinchi shaxs, ko'plik), kelding (ikkinchi shaxs, birlik), keldingiz (ikkinchi shaxs ko'plik).

**FE'LLARDA MAYL SHAKLLARI.** So'zlovchining fe'ldan fe'ldan anglashilgan harakat-holatiga munosabatini bildirgan fe'l shakllariga mayl shakllari, shunday shakllar tizimiga esa mayl kategoriyasi deyiladi. Harakatning voqelikka munosabatini ifodalaydigan grammatik shakllar fe'l mayllari deyiladi. Mayl kategoriyalari fe'l zamonlari, shaxs-son kategoriyalari bilan uzviy bog'liqdir. Shuning uchun fe'l mayllari harakatning bajarilishini real borliq bilan bog'langanligini bildirib aniqlik, buyruq-istak, shartkabi ma'nolarni ifodalaydi. Shunga ko'ra fe'llarda uch mayl bor:

1. Xabar mayli. 2. Buyruq -istak mayli. 3. Shart mayli.

Xabar (yoki ijro) mayli---harakat holatning bajarilishi yoki bajarilmasligi haqidagi xabar darakni bildiruvchi fe'l shakli xabar shakli hisoblanadi. Xabar maylining maxsus qo'shimchasi yo'q. Xabar mayli fe'l asosiga zamon va shaxs-son qo'shimchalarini qo'shish orqali ifodalanadi. Keldi, keladi.

Aniqlik mayli uch zamondan birida aniq bajariladigan yoki bajarilmaydigan harakatni bildiradi. Aniqlik mayli fe'lning sifatdosh, ravishdosh shakllarini tushlash bilan hosil bo'ladi. Aniqlik mayli uch zamonnini o'zida aks ettiradi: Ikromjon osmonga qaray-qaray ko'chaga chiqib ketdi. (S.A.) Hozirgidaqa alam o'tib ketgan paytlarda Aziz o'zini -o'zi koyishga ham tushadi. (O.) Buyruq-istak mayli ish-harakatning bajarilishi jarayonidagi buyruqni, xohish. istak, iltimos, undash ma'nolarini ifodalaydi. Yaxshilab eshitib, qulog'ingga quyib ol. Amakingning ko'ngli yarimta, yonidan jilma. (S.A.) Shuni bilib qo'ying demoqchiman. xolos.

Buyruq-istak mayli---harakat va holatini bajarish yoki bajarmaslik haqidagi buyruq , istak, iltimos, maslahat ma'nolarini bildirgan, harakatni bajarishga da'vat etish ma'nosini bildiradigan fe'l shakliga buyruq-istak mayli shakli deyiladi.

Buyruq-istak mayli shakllari fe'l asoslariga quyidagi qo'shimchalarini qo'shish yo'li bilan hosil qilinadi: -y(ay), -(a)yon, -gin, -kin, -qin, -(i) ng, -sin(lar), -(a) ylik, -(i) nglar. Hayot saboqlarini o'rgangin. Fe'ning zamon, shahs-son qo'shimchalarisiz qismi || shahs buyruq-istak maylini ifodalaydi. Bu qismga buyruq-istak ma'nosini kuchaytirish uchun -gin qo'shimchasini qo'shish ham mumkin, shuning uchun bu ikki shakl ma'nodosh sanaladi: kel-keling-kelgin; ol-oling-olgin. Buyruq -istak maylining ikkinchi shaxsi qat'iy buyruq ma'nosini anglatadi: Tayyormisizlar? Qani jivan yuklarni aravaga olib kiraver. (S.A.) Iltimos, undash ma'nosidagi buyruqni anglatadi. O'sh yo'lida bo'lurmiz. Onamga xabar bering. (P.Q.) Tinch ohangdagi hurmat ma'nosidagi buyruqni ifodalaydi: qani bu suratni menga bering mirzom. (P.Q.) Buyruq-istak maylining uchinchi shaxsi asosan buyruq ma'nosini, shuningdek, tinch ohangda aytilganda iltimos. undash ma'nolarini anglatadi: Shoshmang, chiqishsin bular. keling, birpas damingizni oling. (O.Yo.) Buyruq-istak maylining uchinchi shaxsi suhbat jarayonida ishtirok etmagan shaxsga, narsa va hodisalarga qaratiladi: Mayli, dindan qaytganni yana din yo'lga solish - savob ish. Shahzoda Temurxon uni o'z odamlari qatoriga olsinlar. (P.Q.)

Shart mayli--boshqa bir harakat va holatning bajarilishi yoki bajarilmasligi uchun shart bo'lgan harakat va holatni, shuningdek, istak-xohishni bildirgan fe'l shakli shart mayli shakli sanaladi, shart mayli -Sa qo'shimchasi yordamida yasaladi:Aysam, tilim, aytmasam dilim.

Shart mayli edi, ekan to'liqsiz fe'llari bilan kelganda orzu-istak ma'nosini bildiradi: -Sa edi shakli ba'zan -Saydi tarzida talaffuz qilinadi va shunday yoziladi; ko'rsaydi, o'qisaydi.

Shart mayli shakli kerak so'zi bilan kelganda taxminan-gumon ma'nosini bildiradi: Bu bola yaxshi bilsa kerak (bilmasligi ham mumkin) Maqsad mayli--harakatning biror maqsadda bajarilishini bildiradi, -moqchi qo'shimchasi yordamida hosil qilinadi. Masalan; Yozmoqchiman., yozmoqchisan, yozmoqchi. Shart mayli biror harakatning bajarilishi uchun undan oldin bajarilishi shart qilib qo'yilgan harakatni ifodalaydi. Fe'ning shart mayli shakli fe'l negiziga - sa qo'shimchasini qo'shish va tushlash bilan hosil bo'ladi. Shuning uchun- sa qo'shimchasi fe'lning shart mayli shakli hisoblanadi.

Shart mayli shakli quyidagicha ma'nolarni ifodalaydi:

1. Nutq so'zlanib turgan paytdan oldin bajarilishi shart qilibqo'yilgan harakatni ifodalaydi. Bu shakl -sa qo'shimchali fe'linitushlash va edi to'liqsiz fe'lini keltirish bilan hosil bo'ladi: yozsamedi, o'qisam edi.

2. Nutq jarayonidagi harakatni ifodalaydi. Bu shakl -saqo'shimchasi **orqali ifodalanib**, shu qo'shimchani olgan fe'l ergashgapning kesimi vazifasida keladi: Agar surat qo'lga tushsa, u qizham malomatga qoladi.(P.Q.)

3. Maqsad, orzu, xohish -istakma'nolarini ifodalaydi. Bu shakl fe'lga -sa qo'shimchasini qo'shish orqali, shuningdek -sa qo'shimchasini qo'shib tushlash bilan hosil bo'ladi. Masalan, aytсам, borsang, kelsam.

4. Iltimos, maslahat ma'nolarini anglatadi. Bu shakl ham fe'lga -sa qo'shimchasini qo'shish va tushlash bilan hosil bo'ladi. Masalan, borsang, olsang, yozsang.

5. Demak, fe'l anglatgan ish-harakat voqelikka munosabatiga ko'ra aniqlik, shart (istak), buyruq (istak) kabi qo'shimcha modal ma'nolarni ifodalaydi.

#### **Foydalanilgan adabiyotlar ro'yxati:**

1. Yigitaliyeva, S. (2023). KOGNITIV TILSHUNOSLIK VA UNDA KONSEPT TUSHUNCHASINING IFODALANISH. *Scienceweb academic papers collection*.

2. Yigitaliyeva, S. (2022). O'zbek tilida yaxshilik konsepti va uning xalq maqollarida ifodalanish xususiyatlari. *Qo'qon DPI. Ilmiy habarlar*.

3. Yigitaliyeva, S. (2021). Linguistic analysis the concept of GOODNESS. *Scienceweb academic papers collection*.
4. Isog'aliyevna, Y. S. (2023). Boshlang'ich sinflarda mustaqil so'z turkumlarini o'qitishda innovatsion texnologiyalarning ahamiyati. *Conferencea*, 16-21.
5. Yigitaliyeva, S. (2023). TUSHUNCHA KOGNITIV LINGVISTIKANING ASOSIY BIRLIGI SIFATIDA. *XORAZM MA'MUN AKADEMIYASI AXBOROTNOMASI-6/4-2023*.
6. Tursunaliyevna, A. M. (2023, May). OMONIMLAR VA SUN'IY INTELLEKT. In *International Congress on Models and methods in Modern Investigations* (pp. 48-51).
7. Yigitaliyeva, S., & Yo'ldoshboyeva, O. (2023). OLIY TALIMDA ONA TILI FANINI O'QITISHNING NAZARIY MASALALARI. *Общественные науки в современном мире: теоретические и практические исследования*, 2(8), 41-44.
8. Abdurahmanova, M. T. (2023). OMONIMLARNI FARQLASH USULLARINING SUN'IY INTELLEKT VA MASHINA TARJIMASIDAGI O'RNI. *Educational Research in Universal Sciences*, 2(4), 241-248.
9. Yigitaliyeva, S. (2022). O'zbek tilida yaxshilik konsepti va uning xalq maqollarida ifodalanish xususiyatlari. *Qo'qon DPI. Ilmiy habarlar*.
10. Abdurahmanova, M., & Olimova, M. (2023). MORFOLOGIK ANALIZATOR XUSUSIDA. *COMPUTER LINGUISTICS: PROBLEMS, SOLUTIONS, PROSPECTS*, 1(1).
11. Isog'aliyevna, Y. S. (2023). Boshlang'ich sinflarda mustaqil so'z turkumlarini o'qitishda innovatsion texnologiyalarning ahamiyati. *Conferencea*, 16-21.
12. Xolmanova, Z. (2020). *Kompyuter lingvistikasi*. Nodirabegim:.-Toshkent, 247.